



Saksframlegg

Sakshandsamar:	Kulturskulen			Frank Kvinge	
Avgjerslemynde:		Arkivnr.:	21/373	Klassering:	

Kulturvernmidlar 2021

Det vert for 2021 løyvd

- kr 5 000 til vedlikehald av ferdaveg mellom Kjetland og Haukeland
- kr 5 000 til restaurering av sti med naturstein og trebru, Nord-Kvingo
- kr 40 000 til istandsetjing av dobbeltnaust gnr/brn 37/1 og 37/2

Midlane vert utbetalt så snart arbeid er gjennomført og enkelt rekneskap vert sendt kommunen.
Frist for dette arbeid vert sett til 01.09.2022.

Saksopplysningar:

Bakgrunn

Kommunen gjev tilskot til restaurering/istandsetjing av eldre bygningar, bygningsmiljø og andre kulturminne som ligg innanfor Masfjorden kommune sine grenser. Eigarar av slike kulturminne kan søkja tilskot frå desse midlane. Det er sett av kr 50 000 til slike tiltak for 2021.

Fakta

Det er kome inn tre søknader:

1.Vedlikehald av ferdaveg mellom Kjetland og Haukeland

Søknad datert 21.03.21

Søkjar: Indre Haugsdal v Silje V Kjetland

Det vert søkt støtte til stirydding og vedlikehald av bru.

Søknadssum: Kr 5000

Søkjar skriv:

«Den gamle kulturvegen mellom Kjetland og Haukeland gror igjen. Det vert søkt tilskot til å dekkja materiale, skruar og motorsagbensin/olje til rydding og vedlikehald av sti og bru.»

Kulturvegen er skildra her:

<http://www.bilvandring.com/pdf/SJTUR52D-H000-000541-pd.PDF>

2. Restaurering av sti med naturstein og trebru

Søknad dat 14.04.21

Søkjær: Helge E. Kvinge

Det vert søkt midlar til opparbeiding av nytt bru-kar i stein, ny trebru med rekkverk, justering/muring av trappetrinn.

Søknadssum: Kr 10 000

Søkjær skriv:

«Litleveien er ein sti som har vore brukt av alle i bygda gjennom mange generasjonar. Stien går mellom noverande Fv 570 og Kvingebakkevegen og halverer gangavstanden til sjøen. Han har altså fungert som ein snarveg når ein i tidlegare tider skulle til butikken på Nord-Kvingo, når rutebåten la til kai, eller når skuleborn skulle til og frå grendaskulen. I partiet ned mot Kvingeelva er det murte trappetrinn av naturstein. Trappetrinna er i dag svært ujamne og skeive grunna sprenging av trerøter og trakk av hjort og husdyr. Stien kryssa så Kvingeelva på ei trebru, Litlabrunæ. Denne brua vart teken av storflaum for 15-20 år sidan. Det eine brukaret vart også øydelagt av denne flaumen.

Stien og brua ligg i eit svært vakkert kulturlandskap, og er godt synlege for alle folk i bygda, og for framande som no ferdast til den nye dagsturhytta i Grøttneset. Ved å rusta opp stien og få på plass ny bru, er det tanken at denne gamle ferdselsåra igjen skal verta brukt av bygdefolket og andre som ønskjer det.

Arbeidet med restaurering er godt i gang, og målet er at ein sommaren 2021 kan klippe snora og opna den nye Litlabruna og Litleveien.»



Det trengst nytt brukar på vestsida av elva



Den rundt 50 m lange trappa treng restaurering



Nytt bru-kar på plass

3. Istandsetjing av dobbeltnaust gnr/brn 37/1 og 37/2

Søknad dat 15.04.21

Søkjar: Erik Kvinge og Helge E. Kvinge

Det vert søkt midlar til utvendig istandsetjing av bygget.

Søknadssum kr 50 000

Søkjar skriv:

«Bygget det vert søkt støtte til er objekt nr 18 i Masfjorden kommune sin Kulturminneplan.

Naustet er i relativt dårleg forfatning. Det er behov for ny takteking. Vidare er det behov for å fornya begge gavlane. Langsidene er mura av naturstein og er i god forfatning. Det er også behov for å setja inn nye dører og portar. Planen er at arbeidet skal vera fullført innan 2022.

18. Naust, Nord Kvingo



SEFRAK Nr.	1266-007-039
Opphavsleg bruk:	Naust
Bruk i dag:	Naust
Alder:	ca. 1880
Konstruksjon:	Grind-/stavkonstruksjon Mur u. bindemiddel Saltak, jordgolv
Teknisk tilstand:	Dårleg
Vern:	Ingen
Forvaltning:	Privat
Verdivurdering:	Stor, klasse B

Historie:

På Nordkvingo ligg eit dobbeltnaust. Eit sameige mellom to bruk. Naustet er eit særtilfelle i Nordhordland – men bygd på tradisjonelt vis. Eit uttrykk for at det i samband med fiske ofte var eit tett samarbeid mellom naboar. Naustet er eit av dei største i Nordhordland med ei grunnflate på 112 m² og vart bygd rundt 1880.

Tilstanden er dårleg. Deler av taket i nord-aust har rasa saman og kledningen er dårleg. Akutt behov for reparasjon og vedlikehald. Å få utbetra taket er mest prekært. Sør-vest sida av taket er belagt med bølgeblikk-plater.





Vurdering:

I kulturvernarbeid er ofte den største utfordringa for grunneigar å ta fatt på arbeidet med å bevare kulturminne som dei eig. Dette skuldast kostnader med arbeidet i tillegg til at det ofte tek mykje tid, og at bruken /nytteverdien er avgrensa.

Difor er det viktig for kommunen å stimulera til at slike tiltak vert gjennomført.

Søknad 1 og 2: Restaurering av ferdselsvegar

Begge søknadane omhandlar mindre tiltak for å ta vare på kulturminne og kulturlandskapet i bygdene.

Ei utfordring med restaurering av kulturminne generelt er ofte å få etablert ein bruk i ettertid.

Turstiar som det her vert søkt om støtte til opnar for allmenn tilgang, og søkjarane signaliserer ønskje om at dei vert brukt både av bygdefolk og andre.

For søknad nr 1 ligg det ikkje føre budsjett, berre søknadssum. Søknad nr 2 har eit budsjett på kr 26 000.

Søknad 3: Istandsetjing av naust

Dobbeltnaustet er omtala i kommunen sin kulturminneplan. Objektet (nr 18) er plassert i klasse B, vurdert til å ha «antatt stor kulturhistorisk verdi».

Rådmannen meiner at det er viktig å støtta opp kring tiltaket, slik at det særeigne bygget vert sikra for ettertida.

Tiltaket har eit budsjett på kr 161 000.

Konklusjon

Det vert for 2021 løyvd

- kr 5 000 til vedlikehald av ferdaveg mellom Kjetland og Haukeland
- kr 5 000 til restaurering av sti med naturstein og trebru, Nord-Kvingo
- kr 40 000 til istandsetjing av dobbeltnaust gnr/brn 37/1 og 37/2

Midlane vert utbetalt så snart arbeid er gjennomført og enkelt rekneskap vert sendt kommunen. Frist for dette arbeid vert sett til 01.09.2022.

Frå konto 14700-2100-3650: Kulturminneforvaltning

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost